

408

Bosna i Hercegovina
Federacija Bosne i Hercegovine
KANTON SARAJEVO
Kantonalna uprava za inspekcijske
poslove



Босна и Херцеговина
Федерација Босне и Херцеговине
КАНТОН САРАЈЕВО
Кантонална управа за инспекцијске
послове

Bosnia and Herzegovina
Federation of Bosnia and Herzegovina

CANTON SARAJEVO
Cantonal Administration for Inspection Issues

Bosna i Hercegovina
Federacija Bosne i Hercegovine
KANTON SARAJEVO

Broj: 14-02-04-01403/20
Sarajevo, Mart 26. 2020. godine

PRIMLJENO	01-04-2020	Broj	
Organizacija		Priloga	
15	04	7569-87	

SKUPŠTINA KANTONA SARAJEVO
SARAJEVO
(Na pažnju, predsjedavajućeg, Mirze Čelika)

PREDMET: *Odgovor na zastupničko pitanje broj: 01-04-7569-24/20 od 13.03.2020. godine, podneseno od strane zastupnice Neire Dizdarević - dostavlja se;*

Zastupnica Neira Dizadević, na 22. Radnoj sjednici Skupštine Kantona Sarajevo, održanoj dana 11.03.2020. godine, u okviru tačke Dnevnog reda " Poslanička pitanja, inicijative i odgovori" a u skladu sa Poslovnikom Skupštine Kantona Sarajevo postavila je zastupničko pitanje koje glasi:

" Molim da mi se dostavi spisak svih pravnih lica kod kojih je u ispitanim uzorcima mljevenog i oblikovanog mesa (ćevapi, pljeskavica i slično) u posljednja dva mjeseca u Kantonu Sarajevo utvrđeno da kvalitet nije odgovarao referentnim vrijednostima propisanim Pravilnikom o usitnjenom mesu, poluproizvodima i proizvodima od mesa".

ODGOVOR

Veterinarski inspektori Kantonalne uprave za inspekcijske poslove Kantona Sarajevo s ciljem provjere tržišnog kvaliteta i navoda na deklaracijama usitnjenog mljevenog i oblikovanog mesa (ćevapi, pljeskavice i sl.) su u fazi proizvodnje, prerade i prometa kontrolisali 31 subjekat koji proizvode i stavljaju na tržište ove proizvode.



web: <http://kuip.ks.gov.ba>, mail: kuip@kuip.ks.gov.ba
Tel: + 387 (0) 33 770-100 (centrala)
+ 387 (0) 33 569-870 (direktor)
Fax: + 387 (0) 33 770-151, + 387 (0) 33 569-890
Sarajevo, Aleja Bosne Srebrene bb

Kontrolom su obuhvaćeni proizvodi sa domaćeg kao i inostranog tržišta, koji se na tržište BiH stavljaju posredstvom uvoznika i distributera.

U postupku kontrole u skladu sa ovlaštenjima iz člana 22. stav 1. tačka g) Zakona o inspekcijama KS ("Sl.novine KS", broj 2/17) i člana 139. Zakona o veterinarstvu FBiH ("Sl.glasnik FBiH", broj 46/00) uzet je ukupno 61 uzorak na laboratorijsko ispitivanje sadržaja masti, sadržaja proteina mesa i vezivnog tkiva, te sadržaja kalcija.

Kod 21-og kontrolisanog subjekta ili 67,74% utvrđeno je odstupanje od na jednom ili više proizvoda u pogledu sadržaja jednog ili više pretraživanih parametara kvaliteta propisanih Pravilnikom o usitnjenom mesu, poluproizvodima i proizvodima od mesa.

Od ukupno 61 ispitanog uzorka, njih 33 ili 54,09% bilo je neusklađeno, odnosno nije odgovaralo propisanim referentnim vrijednostima relevantnog Pravilnika.

Predmetno službeno uzorkovanje provedeno je metodom slučajnog uzorka, nenajavljeno, s ciljem provjere stanja u pogledu kvalitete mesnih pripravaka u vrijeme kad se takav način kontrole neočekuje, odnosno van sezone njihove pojačane proizvodnje i distribucije.

Po obavještenju o rezultatima ispitivanja sa nezadovoljavajućim ishodom, kontrolisani subjekti radi zaštite interesa potrošača su obavezani na povlačenje neusklađenih proizvoda prema odredbama člana 17. i 27. Zakona o hrani, kojima je regulisano stavljanje na tržište hrane, kao i povlačenje u slučaju neudovoljavanja odredbama posebnih propisa o ispravnosti i kvalitetu.

U daljim kontrolama veterinarske inspekcije svakog subjekta pojedinačno, potvrđeno je da su subjekti koji su bili predmetom nadzora, povukli proizvode sa tržišta i poduzeli korektivne mjere u pogledu uništenja preotalih količina, odabira i selekcije sirovina za proizvodnju, revizije proizvodnih specifikacija i normativa, kao i ponovljeno laboratorijsko ispitivanje s ciljem provjere da li su procesi proizvodnje pod kontrolom te da su ispunjeni propisani tržišni kriteriji za proizvodnju i promet proizvoda od mesa u skladu sa relevantnim Pravilnikom, pri čemu su dobiveni zadovoljavajući rezultati.

U provedenim inspekcijskim postupcima, prekršajne mjere su izrečene prema proizvođačima, fizičkim i pravnim licima, s obzirom na njihovu odgovornost za stavljanje na tržište hrane propisanog kvaliteta, cijeneći pri tom da su svi proizvodi iz predmeta nadzora bili praćeni propisanom dokumentacijom o zdravstvenoj ispravnosti i porijeklu.

Cijeneći rezultate laboratorijskog ispitivanja pojedinih uzoraka, veterinarski inspektori su izrekli novčane sankcije u ukupnom iznosu od 58.700,00KM, uključujući pravna i fizička lica, odnosno individualne proizvođače.

Kako se pitanjem zastupnice traži dostava spiska pravnih lica, napominjemo da je u skladu sa članom 25. Zakona o inspekcijama KS ("Sl.novine FBiH", broj 2/17) određeno čuvanje službene i druge tajne, odnosno da ***"Inspektor je dužan čuvati službenu i svaku drugu tajnu sa kojom se upozna u vršenju inspekcijskog nadzora...Inspektor je dužan čuvati***



web: <http://kuip.ks.gov.ba>, mail: kuip@kuip.ks.gov.ba

Tel: + 387 (0) 33 770-100 (centrala)

+ 387 (0) 33 569-870 (direktor)

Fax: + 387 (0) 33 770-151, + 387 (0) 33 569-890

Sarajevo, Aleja Bosne Srebrene bb

tajnost prijave i druge informacije koje se tiču inspeksijskog nadzora što uključuje i dokumentaciju, dokaze i podatke utvrđene ili nastale u inspeksijskom nadzoru”.

Predmetno službeno uzorkovanje i dobiveni rezultati u okviru provedenih inspekcijkih aktivnosti odnose se isključivo na pojedinačne ispitane uzorke, te se na osnovu istih ne može donositi sud da se radi o konstanti u smislu nepravilnosti i neusklađenosti, kao i da predmetno ispitivanje u smislu reprezentativnosti pokazuje način poslovanja u određenom vremenom nizu ili periodu, već da postoje razlozi, indicije da proces proizvodnje i kontrolni procesi i mehanizmi proizvođača u vrijeme proizvodnje i izrade pojedinih pretraženih proizvoda tehnološki nije bio pod kontrolom, što je rezultiralo odstupanjem u fizikalno-hemijskim svojstvima, odnosno u sadržaju proteina, kolegena i/ili masti u ispitanim uzorcima.

Napominjemo da predmetnim službenim kontrolama nije utvrđena niti postojala osnovana sumnja da bi hrana mogla predstavljati rizik za zdravlje ljudi u slučaju kada bi bilo opravdano informisati javnost u skladu sa članom 10. Zakona o hrani (“Sl.glasnik BiH”, broj 50/04) navodeći vrstu hrane, rizik koji predstavlja, te mjere koje se preduzimaju ili će se preduzeti za sprečavanje, smanjenje ili uklanjanje rizika.

Inspektor je u skladu sa članom 22. Zakona o inspekcijama KS, ovlašten da pregleda način obavljanja djelatnosti-proces rada, sigurnosti robe i kvalitet proizvoda i pruženih usluga, saslušava stranke, svjedoke i druga lica čija izjava je od značaja za utvrđivanje činjenica u vršenju inspeksijskog nadzora, preduzima radnje uzorkovanja, pregleda i ispitivanja proizvoda i drugih roba i materijala u cilju provjere usaglašenosti sa propisima, preduzima upravne i druge mjere u skladu sa ovim i drugim zakonima, preduzima preventivne aktivnosti u vršenju inspeksijskog nadzora i dr.


Prema istom Zakonu, u postupku vršenja inspeksijskog nadzora, inspektor se pridržava načela zakonitosti, javnosti, efikasnosti, profesionalne nepristrasnosti, nediskriminacije i političke neovisnosti...te se pridržava načela pravičnosti, tako da mjera naložena od strane inspektora bude srazmjerna težini učinjene povrede.

Prema naprijed navedenom, davanje podataka i informacija u širem kontekstu u odnosu na informacije iz ovog akta, uključujući spiskove naziva, imena i prezimena cjenimo suprotnim odredbama o službenoj tajni, kao i propisima koji uređuju pitanje zaštite ličnih podataka niti bi objavljivanje takvih podataka bilo opravdano u javnom i privatnom interesu.

S poštovanjem,

Dostavlja se :

1. Predsjedavajući Skupštine KS
2. Sekretar Skupštine KS
3. Sekretar Vlade Ks
4. a/a



DIREKTOR

Fahir Halilović



web: <http://kuip.ks.gov.ba>, mail: kuip@kuip.ks.gov.ba

Tel: + 387 (0) 33 770-100 (centrala)

+ 387 (0) 33 569-870 (direktor)

Fax: + 387 (0) 33 770-151, + 387 (0) 33 569-890

Sarajevo, Aleja Bosne Srebrene bb